

PL

2698

L52

1730

v. 1

竺翁一家言

全集

世德堂藏板

李先生一家言全集叙
今天下婦人孺子無不知有
湖上笠翁矣豈僅公卿大夫
折節下之手醫藥帷明之中晚
士名噪當時者前無名李卓
吾後至若陳仲醇然卓吾之

名多由焦公弱侯重仲醇之
名多由董公元宰重家吾以
翁則吾待而興者即世之推
重吾以立翁也固不乏弱侯元
宰若兩人然吾不能知誰為
弱侯誰為元宰矣豈翁遊鹿

徧天下其所著書數十種大
多寓道德於談謔藏經浙於
滑稽極人情之多亦極文情
之多受不知者以爲此不過謔
謔滑稽之書其知者則謂李
子之謔謔非淚澁也李子之

滑稽非滑稽也當世之人盡
聾瞶矣吾知其與之莊語道遠
固不可既欲與之莊語經術
復不可則不得不出之以詼
譌滑稽焉昔魏文侯聽古樂
則惟恐卧聽今樂則不知勞

有以爾璿則有進焉夫天垂
象聖人則之易之所言無咎
象也不必有其事也然而有
其理即有其象有其象即有
其事上古之所無安在哉今
日之所有今日之所無安知

非後世之所有百世可知雖
誣也詩何以不刪鄭衛也春
秋何以有特筆定哀何以多
激詞此何一非聖人之誅詭
滑稽乎故使李子生於春秋
登仲尼之堂入仲尼之室自

無道桓文之事使聖人生於
今日而拘一守一先生之言
深衣幅巾正色莊語夫人曰
此為道流此為經術吾知愚
者聽之無不卧寸者聽之無
不拂衣起走然則筮翁雖欲

不詆譴滑稽不可得矣李子
久遊湖上收烟霞風月之聲
光於詩囊琴匣中宜其散為
文章奇編而澹冶至其所過
名山大川無不表章煥發司
馬子長後作不知誰為伯仲

也笠翁素遊閩嶠名客間交
一臂於榕陰之下賦詩贈答
璿又諱先生惡哉底蘊因得
所著一家言全書而快讀焉
雖王侯之榮神仙之樂不是
過矣是為序

康熙九年仲秋初吉山陰同
學包璿題時遠屆
筮翁覽撥之辰遂以爲壽



一家言釋義 即自序

一家言維何。余生平所為詩文及
雜著也。近代名人著述。皆以集名。
乃余獨異其辭者。維何。曰。凡余所
為詩文。襍著。未經繩墨。不中體裁。
上不取法於古。中不求肖於今。下
不覲傳於後。不過自為一家。云所

歎云而止。如候蟲宵犬。有觸即鳴。
非有摹倣希異於其中也。摹倣則
必求工。希異之念一生。勢必千妍
萬態。以求免於拙。竊慮工多拙少。
之後。盡喪其為我矣。蟲之驚秋犬
之遇警。斯何時也。而能擇聲以發
乎。如能擇聲以發。則可不吠不鳴。


矣。然是說也。止可釋余一家言。不
可。以。之。概。天。下。凡。詩。文。之。不。能。求
肖。於。人。者。必。其。天。之。不。足。而。氣。力
學。識。均。有。以。限。之。也。天。人。既。足。我
歆。仁。斯。仁。至。矣。有。力。能。鞭。策。古。今。
而。古。今。不。為。我。用。者。乎。我。肖。古。今。
古。今。亦。盡。謂。肖。我。是。同。文。之。書。家。

結。戶。誦。之。文。傳。於。後。也。必。矣。一。家。
云。乎。哉。

時

康熙壬子仲秋之七日

湖上笠翁李漁自述



弁言

湖上笠翁先生聲霏北玉名重
南金海內文人無不奉爲宗匠
雞林詞客孰不視爲指南其生
平著述甚夥雖稗史傳奇亦大
有關於人心世道姑不具論其
最膾炙人口者如詩文之一家

言詩餘之耐歌詞讀史之論古
閒情之偶寄皆不傍前人之一
籬不拾名流之一唾誠能闡風
雅之英華啟後人之聳聵不踰
而走天下近百年於茲矣但所
著皆各成一冊撝取者見先生
之一班卽欲窺先生之全體如

登浮屠者必至九級始覺曠觀
遊名山者必歷幽邃方云興盡
每至坊間咸以先生全集爲詢
故特取先生之雜著合成一書
校其魯魚正其亥豕集衆腋以
爲裘穿明珠而作串顏曰一家
言全集今而後不獨登先生之

堂兼入先生之室矣

時

雍正八年春二月

芥子園主人識

雍正壬戌間以失主全集爲
藏各山皆必烈幽寂式云與
登新報香必主大跡欲與觀

笠翁一家言全集總目

卷之一

賦 序文 壽序 祭文

卷之二

記 傳 贊 辯 露布 說 疏 奏

誓詞 銘 引 跋 文 紀畧 解

卷之三

書

卷之四

聯

卷之五

五言古

七言古

五言律

卷之六

七言律

卷之七

五言絕

六言絕

七言絕

卷之八

小令

中調

長調

卷之九

五帝紀
商紀
周紀
秦紀
西漢紀

東漢紀

卷之十

西晉紀
東晉紀
南北朝紀
唐紀

五代紀
宋紀
元紀

卷之一
閨情偶集

詞曲部
上

卷之二

詞曲部下 演習部

卷之三

聲容部

卷之四

居室部 器玩部

卷之五

飲饌部 種植部

卷之六

頤養部

終

笠翁文集卷之一目次

賦

龍燈賦

莧羹賦

支頤賦

歸故鄉賦

鷄鳴賦

不登高賦

蟹賦

荔枝賦

楊梅賦

福橘賦

燕京葡萄賦

蘋婆菓賦

魚定梨賦

郭璞井賦

序

智囊序

古今笑史序

求生錄序

朱梅溪先生小像題詠序

名詞選勝序

詩韻序

觀音大士持念錄序

今又園詩集序

覆瓿草序

琴樓合稿序

制師尚書李鄴園亢生靖逆凱歌序

耐歌詞序

香草亭傳奇序

和鳴集序

壽序

兩浙撫軍陳司貞先生壽序

壽蕪湖關使君譚慎伯序

壽張俊升臬憲序

壽吳興別駕余公霽巖序

壽陳大中丞太夫人序

杭別駕許公漢昭擢郡司馬序

祭文

季太翁萬太夫人雙祭文

祭福建靖難巡海道陳大來先生文

祭福建靖難總督范觀公先生文

祭文
維新嘉坡新嘉坡神遊遊人祭文

祭文
維新嘉坡新嘉坡神遊遊人祭文

祭文
維新嘉坡新嘉坡神遊遊人祭文

祭文

祭文
維新嘉坡新嘉坡神遊遊人祭文

祭文
維新嘉坡新嘉坡神遊遊人祭文

笠翁文集卷之一

湖上 李 漁著

壻沈心友因伯男 將舒陶長 全訂

賦

龍燈賦

絕牧齋評

亦遠亦邇

有氣有焰

的是神物

吳梅村評

錄色選聲

英華炳耀

可以摩遠

可以盪身

何物神龍。化為祝融。逃乎水族。宅於火中。忽過疑電。遠眺猶虹。明月失照。晴霞歛烘。爾乃笙歌隊裏。游羣濟濟。突如其來。天矯莫比。或蟠或伸。倏行倏止。羣手批其鱗。而不怒。萬炬煎其心。而不死。若夫目瞋瞋兮。

倪閣公評
長卿失步
屈子無才

李研齋評
寓短于廣
可謂得體

明珠尾曳曳兮珊瑚膚寸寸兮冰雪甲片片兮琉璃
行將飛而上天兮旦宇宙而不夜不則潛而入海兮
照水國以奪犀我將乘其背而周觀于八荒兮雖夜
游而無須秉燭抑將馴擾于石渠天祿兮縱晚較而
奚事吹藜於時鼓吹雷發士女雲隨樂事濃于萬姓
謹聲塞乎九達斯游觀之最勝稱人巧之極奇重曰
龍爲靈兮燈有明明可照兮靈乃禎明不察察兮靈
不矜矜斯萬物無遁形兮四海有休徵吾願在天在
田之大人兮胥體此以加民

莧羹賦 并序

辛卯夏，憇東安賢明山主僧，餉客者，非飯卽餅，而
以菜糊自供。予意所供必草具，不中食者，然見其
色甚可目，味詎不可口耶？咀之香而勻，甘而不噉。
怪謂僧曰：咄咄美羹，胡爲私啖？僧曰：非有羹名，俗
呼菜糊。以其爲家常儉食，不敢進客。客固甘之乎？
余諦視焉。其或紅，或綠，或爲莧黃者，爲萱紫者，爲
茄碧者，爲菌爲邊筍，白者爲扁豆，青者爲豇豆，爲
絲瓜，膏之以麴，劑之以醬及薑。然諸菜皆臣屬君。

李視齋評

文亦光怪
陸離

之者。莧予名之曰莧。莧。厨僧知予有痴嗜。自是每
食必莧。每莧必羹。余亦無羹不飽。無飽不吟。賦曰。
饔濁味之滯性兮。盍漱露乎餐雲。依澹泊以明志兮。
須茹素而吐葷。唯和羹之匪易兮。爰罕譬乎宰臣。乃
緇徒之寡營兮。克自旣其良能。挹朝露于未晞兮。采
采羣英。悟兼收之爲益兮。不遺寸莖。置懿筐于飛湍
兮。濯已淨之微塵。泊潔鼎于涓流兮。防風垢之或侵。
察剛柔于緩急兮。雖異入而同升。聽火候之自至兮。
俟衆味之徐凝。知旣熟而猶會兮。愁一綫之尚生。需。

及時而啓鬻兮。冥氣臭於無聞。登清芬於虛盞兮。滿而不盈。戒炙手而颺。蒸兮。燂而克溫。融衆色爲一色兮。若無色之可名。原無味于有味兮。何辛苦之紛紛。余驟嚼而甚甘兮。知未離乎食頃。俟日噉而交忘兮。覺此味之平行。將覓于無覓兮。羨于無羨。烏知不悔斯文兮。多事多云。

支頤賦

日載陽兮遲遲。獨晏坐兮茅茨。羅簡編兮綠古。對楮穎兮鞭思。忽中腴而外乏。覺神旺而官疲。頤無心于

倪閣公評
能寫難狀

之景止是
不高

全錄文

卷之一

三

藏板

手。假。手。不。覺。其。頤。支。爾。乃。漸。入。希。夷。天。鈞。自。憇。中。欲
出。而。不。局。外。欲。入。而。不。閉。無。懷。葛。天。之。民。伏。義。神。農
之。吏。相。爲。於。無。所。爲。相。遇。於。無。所。遇。子。綦。之。喪。偶。此
其。庶。幾。顏。子。之。坐。忘。斯。爲。實。際。若。乃。身。世。無。交。陰。陽
息。鑒。寡。愛。鮮。憎。孰。桀。孰。堯。沉。酣。乎。此。間。之。至。味。覺。行
起。偃。卧。之。無。一。而。非。勞。知。者。以。爲。緘。默。而。有。得。不。知
者。將。謂。徒。倚。而。無。聊。

歸故鄉賦

昔江淹作去故鄉賦鮑昭作遊思賦皆浪遊之針

黃無傲許

與柴桑歸

來一辭同

其怡悅予

每于久客

初歸有此

樂境此賦

先得我心

硬也予少年作客老大言歸深閱行邁之艱始識
歸休之逸爰作歸故鄉賦賦曰

逸莫逸兮故園樓。謹莫謹兮遊子歸。悵獨悵夫歲月
邁。嗟復嗟此時事。非於時山川蜿蜒。跋涉流連。辛貧
畢。諳足繭鞵穿寒。颺錐骨陰靄翳天。馬頭霜。疎僕背
雨。酸歲云徂。今客緣盡。貨告竭。今遊興闌。歸期迫。今
心轉亟。家山見兮到轉難。至乃雞犬謹迎。山川相識。
農輟鋤以來。歡漁投竿而相揖。騷朋韻執索佳句於
奚囊。逸叟閒夫訪新聞於異國。家無主而常扉。草齊

腰而沒膝。燕遷舊壘之巢。鵲喜新歸之客。蟲網厚兮。
如繭。蝸蹟紛兮。如織。書破蠹肥。花稀棘密。妻顏減紅。
親髮增白。幸猶歸之。及今悔長征之自昔。若之何去。
家族兮。如讐。以秦越兮。爲郵。恃丁年而役役。豈長夏。
而不秋。已焉哉。男子生兮。弧矢四方。世莫予宗兮。盍。
歸父母之邦。采蘭紉佩兮。觀激引觴。與鼎食而爲萍。
爲梗兮。寧啜菽而爲梓。爲桑者也。

鷄鳴賦

鳥之以聲事人者衆矣。皆要進諛獻媚之口。非震

汪校門評

他賦可以

不議笠翁

賦不可不

讀其賦前

小序尤不

可不讀

聾啓瞶助勤警怠之音也。惟鷄則然。前人之于禽
鳥。自鳳鸞之大。以及燕雀之微。莫不有賦。獨鷄不
及焉。惟浩虛舟有木鷄賦。是賦不鳴之鷄。非鳴鷄
也。宋言有鷄鳴度闕賦。亦匪賦鷄。賦人而鷄者也。
皇甫湜有鶴處鷄羣賦。是欲尊鶴而抑鷄。意不在
鷄。而在鶴也。予欲特書其功。以補前人之未逮。或
曰。賤物耳。焉用賦之。予曰。匪賤也。爲多屈耳。使天
能愛寶。偶然一生。則在外必貢于朝。在四譯必獻
中國。能使神鵠失靈。而鳳凰不得稱瑞者。必是物。

也賤云乎哉賦曰

鳥名近百羽族盈千或以瑞著或以靈傳或以貴形體
或珍羽翰或以好音飾聽或以美色娛觀以色事人
者無足論矣以音悅衆者試取衡焉鴉善鳴內人憎
饒舌鵲能報喜情同附熱雀非爭鬧以喧呼蟬不悲
傷而哽咽鶯求人識其巧鳩徒自鳴其拙秋深暢飲
何勞鴻鴈挑愁夜半酣眠焉用子規啼血畫眉以一
身兼衆口多能無補于民鸚鵡以禽語作人聲如簧
終難代說鶴聲嘹唳兮亦可有而可無燕語呢喃兮

評

昌人謂鷄

有五德以

戴冠爲文

搏距爲武

克其數殊

能支離易

於此賦之

雖而諒不

止方德幾

十德矣

余露臺評

不但作賦

又画出一

非難少而難缺之數蟲者空矢好音于聽聞盡是無

功之啁晰有功無譽誰克當之惟鷄爲然百無一疵

智能燭夜信不失時一唱百唱義無參差戀母維孝

哺卵維慈克正夫綱戒鳴伏雌見食呼羣仁者無私

遇敵輒鬪勇始不辭食人之食司其所司有餐非素

有位弗尸守一主兮弗變視九死兮如歸此誠羽族

之冠而堪爲百鳥之師者也至其養銳蓄精戒之在

鬪致力於宵息機在晝豈不愛眠慮難辭咎未醒其

軀先寤乃味振羽待鳴兮若驚試音將發兮如噉爾

幅鷄鳴圖
矣然而不
能生動如
是

德梁汾評

無一語疑

拾六朝似

東坡所弄

詩體

吳念庵評

正襟而談

居然鳳鳴

乃形同鷄立。貌似鷹揚。一聲初起。萬吻齊張。不軍令。
以嚴肅。無國法。而紀綱。初鳴。忌促利。在悠揚。再鳴。忌
緩韻。短聲長。三唱。則無煩律呂。亂鳴。而人始徬徨。維
時。萬作齊興。三農盡起。朝臣指笏。以趨。估客束裝。而
從。織素縫裳之女。先盟櫛。以待明鑿。壁囊螢之士。復
焚膏而繼晷。聽之起舞者。史筆特書。聞以戒旦者。風
人所羨。孳孳為善者。舜之徒。既側耳以待興。孳孳為
利者。昭之徒。亦潛踪而避悔。設天未明。不有此聲。人
將五夜。視作三更。舉國皆夢。誰其獨醒。君由之而度。

失臣以此而禍萌。買者失其早利。農夫薄于秋成。士
婦女情。蠶死蠹生。世何由而卜。晝治焉能以勵精。是
此一禽者。爲義和氏之功臣。神農氏之良吏。脣司日
月之光。而人不知。明歸造物之功。而身不與者也。奈
何。怒之如賊。叱之若奴。偕豕作隊。與犬同呼。旣利其
生。而致其死。復食其卵。而斷其雛也哉。

不登高賦

丁巳九日。客吳興人皆登高。獨予不出。予倩沈因
伯曰。佳節難負。卽不登山。亦覓小阜畧升。以循古

例予謂古例宜循。獨九日登高一事。予久惑之。不
循可也。因伯詢以故。予曰。重陽登高。所以避禍也。
無禍而避者。不祥。此事始于桓景。景從費長房遊。
房曰。九月九日。汝家當有大災。急令家人縫囊盛
茱萸繫臂上。登山飲菊酒。此禍可免。桓從其言。夕
還。鷄犬牛羊皆暴死。房曰。代之矣。後遂因之爲俗。
夫桓之有災。命也。命合有災。適逢是日。蓋就景一
人之命推之。而測其然也。一人有一人之命。豈天
下後世之人。盡以景命爲命乎。設謂是日天必降

吳念庵評
笠翁豪邁
何以爲此
寂寥之言

災則當日趨而避之者惟景一人何以衆皆無恙
鷄犬牛羊皆不死卽此可証當日之誣亦可辟千
百年後人盡登高之謬矣且予謂景之獲免亦出
偶然長房之言幸中耳使災盡可避人之死也皆
可以鷄犬牛羊代豈造物之禍淫亦復容人漏網
凡千無赦之罰者盡可以物代乎東坡有言四時
令節惟清明重陽不宜虛度時序之變無踰此二
節者若謂借此遊宴則可避災之說難以爲訓然
旣曰遊宴則芳郊勝地綠水丹山無在不可何必

然遊不限
于九日又
大為遊士
勸駕

泥于登高登高可矣。又何必泥于九日。若謂九日
登高為千古不易之事。我則曰。雖違眾。吾從下矣。
乃作不登高賦。賦曰。

潮濱頑叟。才謏腹虛。好與古戰。不安其愚。時當秋令。
身在客居。屈囊黃之令節。有坦腹者相俱。勸以登高。
勉其從俗。頑叟固辭。畏羣喜獨。詢曰。何為。雙眉始蹙。
謂我嘗譏古人。胡為蹈其荒躅。重五競渡。重九登高。
競渡宜往。登高弗勞。競渡弔忠臣。又復悲孝女。
五月五日沉于理。無可非其義。有所取。登高何妨。妨
江世多忽之。

毛祥黃評

蕭疎雋永
在六朝唐

曹娥
亦以

人之間亦
稱佳作

曰長房桓景有災命製萸囊登高飲酒行樂避殃入
門戶今周覽覓鷄犬兮盡亡是以無人弗信舉國皆
狂因而成俗歲以爲常疑事信于一時因問吉乎干
載本無災以思避知非祥而不改怪善俗之無人聽
舉世之迷津我以不登高而作賦猶之欲徙鱣而爲
文暫存是說于紙上行滅此跡于河濱狂士之言無
足採匹夫之令其誰遵

蟹賦

天下食物之美有過于螃蟹者乎予昔誤聽人言

謂江瑤柱西施舌二種足居其右。迨遊八閩食荔
枝而甘之。竊疑造物有私。胡獨厚此一方而薄盡
天下。既啖以佳果。復饜以美饌。閩人之暴殄天物
不太甚乎。及食所謂居蟹右者。悉淮陰之絳灌。求
爲儕伍而不屑者也。但以皮相相之。則果覺瑰奇
可愛。味實平平無奇。因而細繹其故。始知前人命
名其取義。不過如此。寶中之瑤。屋中之柱。原只令
人美觀。並非可食之物。卽舌在西施之口。亦豈供
人咀嚼者哉。以是知南方之蟹。合山珍海錯而較

之當居第一。不獨冠乎水族。甲于介蟲而已也。久
欲賦之而未敢。以自古迄今嗜之者衆。則賦之者
必多。空疎之臆。敢與便便其腹者較短長哉。及讀
楊廷秀之糟蟹生蟹二賦。皆屬遊戲神通。幻其形
而爲人。與之辨論。斟酌以作郭索傳。則可謂之蟹
賦。無乃名求而失其實乎。惟吾友尤子展成。一作
竭盡中藏。賢于古人遠矣。予欲藏拙。其奈無腸公。
予作祟。以如鉗似剪之二螯。日撓予腹。不酌以文。
而不放。何不得已而爲之賦曰。

食當秋暮。惟蟹是務。至美難名。不容不賦。纔舉筆。以
涎流。甫經思。而目注。儼六跪之當前。檠雙螯以待哺。
不知造物于人。何舊何親。視同愛子。歛若嘉賓。千方
飲其口腹。百計悅乃心神。薄諸般之海錯。鄙一切之
山珍。特生一甲。橫掃千軍。龜兮無尾。魚兮不鱗。生于
水而遊于陸。食夫稻而飲夫漚。身備陰陽之合德。位
居燥濕之通津。若乃無道寧藏。非時弗出。戈甲寧施。
于外。示有備。以無虞。城府不設。于中。美無腸。而有膈。
朝臣嗜之。而求外補。孝子拾之。以供子職。思之弗得。

虛左手以待持亦既覲止舉右杯而相西稽往事兮
實繁纒更端兮難悉還須加以口嘗勿僅全憑耳食
惜其甫離江海乍脫縈蕭赴漫不期遠火猶驢本見
乞憐之色如聞索醉之號死易青袍卧披黃甲尚有
餘芒其誰敢狎祇因無罪而多藏致坐莫須之枉法
愈老愈辣性類乎薑君子喜酸醋復相當非投所好
弗許食以之博醉斯容嘗漫誇乃腹先美其臣視黃
金兮太賤覲白璧兮如常剖腹藏珠宜乎滿肚持金
贈客不合盈筐揭而易開初若無底之橐剗之不竭

知爲有底之囊。至其錦綉填胸。珠璣滿腹。未饜人心。
先飽予目。無異黃卷之初開。若有赤文之可讀。油膩
而甜味甘。且馥含之如飲瓊膏。嚼之似餐金粟。胸臆
數疊。疊疊皆脂。旁列衆倉。倉倉是肉。旣盡其瓢。始及
其足。一折兩開。勢同截竹。人但知其四雙。誰能辨爲
十六二螯。更美留以待終。俟肥甘之將盡。防精腴之
既窮。然後盥手加餐。洗盞更酌。分爲燕子只少。雙輪
合作鴛鴦。惟增四腳。佐以劉伶之杯。持以畢卓之手。
賦太白之百篇。領淳于之七斗。問奇字于楊子之亭。

罪玉屑于晉人之口。庶足以慰公子于九原。不負其
糜身而碎首者也。若僅食而鬪飽。嚼以已饒。他哀爾
腹。漠不相關。若是則造物生之何意。而致委香骸于
谿壑。賤物命如草菅也哉。

荔枝賦

予性同猿。酷于嗜菓。九州歷其六七。雖云難徧然
所未到者。皆佳菓不生之地。可無憾也。土著之物。
無一不嘗。然讀一騎紅塵之句。知玉環所嗜不苟。
物肖其人。荔枝真尤物也。同一菓耳。胡以宜于此。

者。斷斷不宜于彼。雖天子之尊。國君之富。無事不可意爲。獨不能以四方珍菓。並植宮闈。隨取隨得。而食其鮮且美者。是何故歟。或曰。土不宜耳。然土亦非難載之物。胡不並此移之一樹所需之土。不過百簣千簣。及萬簣已耳。卽多至萬萬簣。亦豈有天下者所難致哉。然則非地不宜也。天不許耳。天地生物之初。凡于物之尤者。亦似分藩建國。錫土分茅。若五等諸侯之各有其地。秦不可以易楚魯。不能以兼衛。同一理也。聞者是予此說。遂屬予體。

雅黃評
毫葉分茅
筆致似天
祿閣外史
夢差古體

天之意以四方美核殿最低昂得爲五等予謂至
尊無上者莫過荔枝雖欲不王不可得也五等之
首則推蘇杭二地之楊梅次則湖州之橘公楊梅
而侯橘得無輿論僉同邪其次則及燕京之葡萄
及頻婆矣葡萄伯而頻婆子也男則爲誰其真定
之梨乎五等既定擬各賦之然恐不能徧及凡物
之與文字亦各有緣興至而筆隨之卽其緣也否
則我欲之而彼不欲興將奈此筆何哉荔枝曰若
是則乘興而來請自不穀始

又評
又面荔枝
圖
面荔枝
面荔枝
及咽喉
腸胃平
神筆也

菓中巨擘。誰足當之。詢于衆口。愈曰荔枝。予始不信。惑于乾者。其性雖甘。同乎蜜也。乃至東遊嶺表。南入閩中。採樹頭之嫩紫。剪葉下之鮮紅。怪珠光兮射遠。驚火焰兮燒空。不待嘗而味先在口。無煩嚼而汁已投胸。甫動吻而輒融。似久矣忘形乎齒。頰纔欲吞而已下。若未經假道于喉嚨。其貌維何。肖形于左。外若麟肝。內如鳳卵。肉與殼連。其間不能容髮。類同核離。剖去依然。故我瑩同水雪之膚。嬌若芙蓉之面。吹彈得破。祇因嫩至。十分光滑。如油似欲。疑成一片。其味

文評

荔枝之事

難言即借

諸菓形容

而美在其

中矣

何似易食難名交梨變體火棗易形謂其甜如密今
 既少蜂黃之餘氣謂其脆似藕今又無魚枕之微腥
 較之梨而梨淡方諸橘而橘濃李雖甘而帶澁桃似
 美而欠鬆至于杏濁膩喉梅酸澀齒棗過甜而流爲
 愿蓮學清而失其旨是皆瑣尾之材曷堪比數惟有
 壺柑一物稍近幽懷又以多香少味到底難偕龍眼
 人贈爲奴我憎草氣而弗受楊梅差堪作侶彼慚形
 穢而不來櫻桃熟在予先自知貴賤不侔甘讓後來
 居上橄欖同生吾里亦爲妍媸有別避賢各自分栽

此皆荔枝之實錄。洵爲菓核之異材。從前賦手雖衆。
第將本草差排。不見真情。落句惟驚古事。成堆致使。
南珍面目。翻爲作者。沉埋。予特開其禁錮。拂彼塵埃。
僅露佳人之半面。未彰尤物之全材。倘以質之玄宗。
妃子。或能勞予濁酒三杯。

楊梅賦

人謂閩粵無楊梅。當以荔枝代之。蘇杭無荔枝。當
以楊梅代之。予謂荔枝肯代楊梅。楊梅不敢代荔。
枝何則。其味可代。其香不可代也。楊梅無香。與海

棠齊恨然悅色知味者未嘗以海棠無香而輟其
憐楊梅無香而弛其愛以其一美一甘俱臻至極
之地也如人有一長臻至極即可不問其他蘇子
瞻拙于飲林和靖不能基亦何損二公之芳譽哉
賦曰

良無傲評

諸賦大類

荀卿真道

先秦補遺

翻爲後文

南方珍菓首及楊梅力能專致無事旁窺非但弗由
香重亦且不假色推豈乏嬌紅亦饒嫩紫離朱尚未
全佳近黑纔誇至美始生也淡淡嘗若泚繼變爲酸
酸難近齒非淡何以致斯醇惟酸始能釀其旨至若

膚同雨粟。汁比天漿。肉有絲紋。饒夫但嚼而弗辨味。
同醪醴。淺人多食而少嘗。垂紅綴紫之詩。皮相可稱。
佳句。龍睛火齊之譽。名求亦自相當。脂美人之香口。
繡學士之詩腸。無奈世人交之太密。爲可久而易藏。
反因愛以致溺。本不嗜酒。拉歸酩酊之鄉。強以叅禪。
浸入波羅之密。致困劉伶。以醉埋誤。顛陳妨之莫逆。
是猶謂逢知己。甘爲死而不惜。最可憾者。吮癰之徒。
竊位之賊。哀五十石以獻當權。致一再遷而居要職。
是則飲幽恨于千載。冀昭宣于一日者也。

福橘賦

荔枝出于閩粵。楊梅產在蘇杭。是人皆知不必繫之以地。至梨橘葡萄蘋婆四種。則在在俱有。亦在在不佳。佳者各有其處。若不明其所在。則食他處所產而不覺其甘者。勢必河漢予言。故必繫之以地。橘莫佳于福州。故世稱福橘。人謂福之爲言近乎俗。請以閩字易之。予謂古有雅人韻士而故俗其名者。名以人重。人不以名重也。

天上璿精散而爲橘。古籍所登無乃是實。摘之有若

苗無傲評
得此開發
可使梅暗
吐氣

摘星食者非同食物。是爲千古所共珍。匪于一人之私癖。往事實繁。家珍莫數。畧陳其槩。十纔及五。伊尹合致于湯。晏嬰併吞于楚。物克上貢。品列御羞。帶少實繁。臣以之而賀瑞。樹多利廣。世擬之于封侯。雙叟奕于瓢中。談笑逢人而自若。二人來自樹下。歷陳往事。以如流。事雖不經。而難據。理有可信。而始收。旣屬星精散體。豈無神物同遊。食而納質者。清官懷以貽親者。孝子君不賜。臣若以賜。臣必捧拜。誓不踰淮。強以踰淮。則變枳。不惟可口。兼能悅目。膚比良金。肌同

軟玉樹頭。鼎鼎。渾如圓壁。生光。葉底垂垂。儼似黃裳。
觀綠。昔有解人。當其既熟。風吹落地。仍以繩繫樹頭。
竹以爲落。不使人侵。鳥觸是則玩。而祇欲飽其晴。愛。
而不忍食其肉者也。若其既辭。寶樹甫入。晶盤味同。
芳芷氣若。幽蘭蘭宜。鼻而不宜。口芷可藥。而不可餐。
肉儘可以不咀。咀之更多餘味。核亦烏能不吐。吐之。
但覺堪憐。食而棄之者。仍是醫門之良藥。密而餞之。
乎。亦克珍品。于華筵。睹此離柯之妙用。迴思在樹之。
奇觀。是可謂珊瑚作樹。而渾身是寶。蓬萊爲座。而無。

客○非○仙○者○矣○

燕京葡萄賦

葡萄無他長。祇以不酸爲貴。酸而帶澁。不值半文錢矣。燕地所產。非止不酸不澁。且肥而多肉。值得一吞。吞後餘甘。尙戀齒頰。產他處者。悉與相反。見則喜食。食後常令人悔。覺舌本之上。若有一物搔爬者。然似癢不癢。由于是澁非澁。此其所以爲賤也。然予自燕入秦。假道平定州。食所產葡萄。較京師更美。大亦倍之。嘗吸一顆而吐。出其肉。幾乎盈

掌予思歸與人言必無信者。因以其壳曬乾。收入
行筥。及歸。漬以沸水。然後吹而大之。儼然一鮮葡
萄矣。始知天地間有此妙物。睹外而知內。未有體
胖而虛其中者。然則此一賦也。當爲平定州設。奈
何。復曰。燕京曰。此春秋尊王之義也。荔枝楊梅與
橘。京師不產。他處得以擅名。葡萄旣出。帝鄉則帝
鄉物矣。子不先父。臣敢上其君乎。平定葡萄雖美。
祇可甲于四方。不敢與居中御外者較短長也。
王者之都。萬物所聚。卽不產而自來。矧長生以不去。

爰有聖藥名曰蒲萄。但有多富而未流于侈。雖尊
易購貴。亦不至于驕。原其所自。移來大宛。帶土連沙。
植諸上苑。近皇天。則沾露維多。託后土而馳根自遠。
此是漢家舊事。不應謬入新篇。祇爲皇都數徙。種亦
隨至。幽燕中自戚里。下抵民間。莫不升棚而沿架。以
之幕地而席天。若乃枝密多陰。葉繁當瓦。避其間者。
小雨如晴。飲其下者。涼風若灑。水晶珠顆之號。旣善
形容。馬乳龍鬚之詩。亦工摹寫。味雖濃而不濁。性似
涼而實溫。多食則益氣強志。久服而延年。輕身旣足。

登筵復堪釀酒。善醉易醒和衷適口。孟陀持以換家
州。漢帝斟而酌王母。苟非至美存焉。斯物于人何有。
蘋婆果賦

是物皆有典故。可考蘋婆獨無至美難名乎。抑有
其書而予未之讀也。欲以空疎臆揣慮其施以責
備之詞。謂我密于諸公而獨疎一婆。豈以名之近
老而遂忽其多情及容之嬌且媚乎。舍蘋弗賦。賦
其婆焉可也。

燕有佳菓。字曰蘋婆。名同老嫗。實類嬌娥。色先可取。

無論其他白也。如黃西子病容可擬嬌而不赤。楊妃酒面難酡物之所棄者皮。此則皮堪當肉。菓之慮有者核。此則有而不多。祇有液之堪吞並無渣之可去。削之則鬆難置削如捏雪以成團嚼之則軟不勝牙似飛花而作絮謂有香而香不聞覺其甜而甜不遽留衆美于一身讓其功而不與若是則堪稱菓內之佳人而爲少年所爭娶者矣。奈何老其名曰婆異其姓曰蘋降陸樹而爲水草謗旭日以作斜曛者何哉。或者謂蘋有其潔味亦相等與類同呼是猶可忍至

若婆之爲名。迂而欠好。呼之似覺口強。去聲聽者爲之
興掃。若曰始種此者爲老嫗。因其婆而婆之。又曰德
種此者。貽佳樹。愛其婆而婆之。若是則生我者父母。
知我者讐家矣。菓亦何讐于老嫗。而貽以千古不美
之名哉。吾請以數言慰之。曰食子者多。知子者寡。聽
其指鹿爲麀。只當呼牛喚馬。

真定梨賦

梨之佳者有五美。不則具四惡。四惡維何。曰酸。曰
澁。曰有渣。曰多核。美則甜也。鬆也大也。汁多而皮

薄也存五美而去四惡其惟真定之梨乎不可謂
他處絕無但偶然一見不似真定之徧地皆然耳
菓之生也亦有幸不幸焉凡物皆以早登爲幸梨
獨幸于最遲遲則可久而能致遠梨之鮮者可達
數千里外不似荔枝楊梅葡萄諸果若婦人襁子
不能去其故鄉此早熟遲登之別寒則可久熱則
難藏故耳使荔枝楊梅葡萄諸果亦熟于寒生暑
退之候則使海內千人亦見萬人亦見奚止僅以
枯形示天下使人抱駿骨難馳之恨哉大器晚成

一語移贈此君知亦無慚而樂受矣

梨爲百菓之宗茲殿五臣之後非僞位置之失宜怪
汝榮華之太驟秋深乃熟既讓羣少以爭先暮齒方
登何遽頻遷而至右名愈屈而才愈彰德彌謙而用
彌厚爾乃靈關至味玄圃奇葩金桃媲美火棗同誇
到處有佳梨而入貢必需真定世間無美種而此本
出自哀家其大如升其甘勝蜜瓊漿滿腹而剖之不
流玉液填胸而吸之不出纔入口今輒蘇未經嚼兮
成汁詢諸喉而喉曰潤質之口而口曰可無微不鉅

孔融取小而無所用其謙見熱卽消肅宗欲燒而難以投諸火不識字者誤認爲伐麕之斧斤稍知書者皆識爲太上之靈果

郭璞井賦

杭爲山水之鄉。人文之藪。騷人逸客。欲得而家焉。但居雉堞以內者。城外之山可觀。城外之水不可得而飲也。井水鹹而濁。飯不得已用之。茗必取給于外。卽不能泉。西湖亦茶料也。然路遠而闌隔。旦旦汲之以肩。作纒者不勝其勞矣。其不鹹不濁。雖

井實泉者有二。一曰大井。居鼓樓之西偏。二曰郭璞井。在吳山東北。介螺螄山鐵冶嶺之中。卽予新居之右臂。井較大井尤大。水更清。味亦稍別。蓋大井居平地。而此在山。地有濁流。沁入山無濁流。且四面多石。石不受沁。亦無可沁也。爲賑十水給千餘家。淫雨不稍增。旱可經年不涸。其始由郭景純至此。謂地有美泉。人始穿之。故題其上曰郭璞聖井。予前後居杭十餘年。皆苦于水。茲得此爲鄰。飲水知源矣。可不明所自。因假賦井以頌其人。

人居杭土如家玄圃花善笑而柳善豐石解歌而泉
解舞其目則甘其口獨苦井濁兮如淤奉鹹兮若瀉
越城圍以出汲路更僕而難數賴有異人兮郭公獨
開神井兮弗同耻平穿于地上喜高浚乎山中不升
則已井則必求其至大無水寧竭水則懼恐其不洪
開十目以觀天上帝亦嚴于視聽勅五丁以鑿地后
稷亦避其銛鋒百人齊汲而無競萬家共飲之不窮
素繩起而十泉並流如瀉山巔之瀑銀鏹下而衆聲
齊激若考地下之鐘成湯七載之旱罕有存亦不能

致澗神堯九年之水鮮遇遇亦未見如澤若乃深可
藏蛟明堦燭影冬覺其溫夏利其冷泉井皆鹹而此
能淡淡而不厭斯奇諸水盡濁而彼獨清清而不要
乃幸味不異于甘泉氣亦同乎香井爰稽往事愈覺
通神飲綠珠之水代出嬌容斯地亦饒美女啜丹砂
之泉能增壽考此邦豈乏遐齡有時淘出金錢疑其
下亦通君平之宅浣者不煩灰濯豈此水亦藉出叔
之靈無風自波間亦偶同于浪井飲人可醉疑其上
應乎酒星是皆書之不倦而述之可聽者也居其地

而不賦其事。予豈寒蟬作舌而槁木爲形者乎。

蘇軾

序

智囊序

人生二十一朝以後。又非三代以降之民矣。智巧幻
出。機變橫生。其聰明高出古人上。括天下童叟及婦
人女子而試之。求一不識。不知順帝之則者。杳不可
得。有心當世者。方愚之之。不暇笑。事輯智囊一書。開
其無可復開之竅。輯之可矣。又笑事分梨別棗。益廣
其傳。俾天下之爲童爲叟爲婦人女子者。益神明其

智。巧。而。不。可。方。物。其。機。變。乎。竺。翁。曰。不。然。今。世。所。尚。
者。詐。也。非。智。也。智。由。性。出。詐。以。習。成。詐。能。庇。身。而。亦。
能。殺。身。智。能。善。世。而。其。利。又。不。止。于。善。世。智。不。可。無。
詐。不。可。有。苟。非。熟。讀。聖。經。賢。傳。暨。三。代。以。下。二十。
一。朝。之。載。籍。烏。知。後。世。之。聰。明。皆。前。人。所。謂。殺。身。之。具。
哉。所。惡。於。智。者。爲。其。鑿。也。鑿。則。機。械。變。詐。所。由。生。也。
馮。子。猶。龍。之。輯。是。編。事。求。其。備。義。取。乎。該。惟。恐。失。一。
哲。人。漏。一。慧。語。遂。不。覺。網。羅。太。密。組。織。太。工。而。流。于。
鑿。得。朱。子。起。而。刪。之。理。收。其。至。當。義。律。以。自。然。凡。有。

以察察爲明。嗟嗟爲知者。卽爲古人藏拙。寧使智溢。于囊母使囊寬。于智庶幾留餘地。以厚古人。不使盡露囊底餘智。而反爲後人所竊笑計。誠得矣。

古今笑史序

予友石鐘朱子。卓犖魁奇。性無雜嗜。惟嗜飲酒讀書。飲中狂興。可繼七賢。而八八仙。而九書。則其下酒物也。仲姜玉季宮聲。亦具飲癖。而量稍殺。皆雅好讀書。讀之不已。又從而筆削之。筆削之不已。又從而剗剔之。慮其間或有讀而不快。快而不甚快者。是何異于。

包治山評

爲劉伶

籍輩說

以不離平

酒者近是

旨酒既設。餚核雜陳。而忽有俗客。銜筵腐儒。罵座使
飲。興爲之中阻。不可謂非酒厄。勢必扶而去之。以俟
洗盞更酌。此古今笑之。不得不刪。刪而不得不重謀
刪。刪也。人謂石鐘昆季于此爲讀書計。烏知其爲飲
酒計乎。是編之輯。出于馮子猶龍。其初名爲譚槩。後
人謂其網羅之事。盡屬詼諧。求爲正色。而談者百不
得一名。爲談槩。而實則笑府。亦何渾樸其貌。而艷冶
其中乎。遂以古今笑易名。從時好也。噫。談笑兩端。固
若是其異乎。吾謂談鋒一輟。笑柄不生。是談爲笑之

王安節評

妙喻如畫

倪開公評

引喻人化

蘇氏兄弟

往往得力

于此

母也無如世之善談者寡喜笑者衆或謂以我之談
博人之笑是我爲人役苦在我而樂在人也試問伶
人演劇座客觀場觀場者樂乎抑演劇者樂乎同一
書也始名談槩而問者寥寥易名古今笑而雅俗並
嗜購之惟恨不早是人情畏談而喜笑也明矣不投
以所喜懸之國門奚裨乎石鐘昆季筆削既竣而問
序于予予請所以命名者仍舊貫乎從時尚乎石鐘
曰予酒人也左手持蟹螯右手持酒杯無暇爲晉人
清談知有笑而已矣但馮子猶龍之輯是編述也非

青無傲評

瀉喉傾珠

痕迹俱化

所謂自然

成文者也

作也。子雖稍有樽節。缺不敢旁資一詞。又述其所述者。也。述而不作。仍古史也。試增一詞。為古今笑史。能免蛇足之譏否乎。予曰。善。古不云乎。嘻笑怒罵。皆成文章。是集非他。皆古今絕妙文章。但去其怒罵者而已。命曰笑史。誰曰不宜。

求生錄序

人有言。天不幸而為霜雪。時不幸而為秋冬。金不幸而為斧鑕。官不幸而為士師。以其有殺無赦而與好生之道左也。今之節推。即古士師之流。亞秩雖稍平。

庶草評
一挽千鈞

而實爲殺人之權之所自始。節推曰可殺然後提刑
者殺之。提刑曰可殺然後督撫按殺之。督撫按曰可
殺然後司寇殺之。司寇曰可殺然後天子殺之。是節
推一官專以殺人爲事者也。而仁人爲之則不然。仁
人之爲是官也。以殺爲生者十之一。以生爲殺者十
之九。非故疎其網以漏吞舟祇以棘聽之下必殺之
罪原少而介在可否之間者實多也。官之自視者重
則其視人之性命不得不輕。拔一毛而利天下爲我
者弗爲。矧夫其官乎。矧今日之爲功令又不止于去

官而已乎。此人命之悉爲草菅耳。仁人反是以能不
有其官也。非止不有其官。且能不有其身也。苟能持
此一官一身。凡可活民而壽國者。何事不可爲。而究
竟此官此身。未必果失於是乎。天下之人。非止頌其
仁。又且服其智矣。故天下節推一席。非豈弟君子居
之不可。而文安紀子湘先生實其選也。先生理杭十
載。因其斷獄明敏。爲諸上臺所器重。凡十一郡難決
之案。悉歸之。其間類多死獄。入先生之手。卽生。十一
郡士民咸稱先生有活人癖。先生曰。予非能活人。但

蔡龍文評
此段直現
執法字官
身而說法
矣

上左直評
新婆心復
有婆心
之心傳
言可佩

能不殺可以不殺之人耳。其道在求。曷言乎求。每見
一大獄輒為反覆求生。非求之上臺。亦非求之上帝。
求之于招詳案牘之外。及兩造供吐之間也。從來官
審重獄。必據初招。若存一初招。可據之見於中。則我
為彼役。而人之性命危矣。略去初招。自為裁決。若此
案之對簿。自今日始者。訊得其情。始取原招。相印同
者。同之異者。異之其同者。非我同。人人同我也。人我
僉同。殺之非失人矣。而猶復為求之。恐我謬。而人亦
謬也。其異者。非我有心異。人人亦無心異。我不求異。

而自異殆有天焉生之非失出矣而猶復爲求之恐
人是而我非也大約非少是多卽爲力任官乎身乎
非所計矣此先生未去杭時告予之言予猶佩而未
數茲擢官淮上余適假館白門因刷資治新書之二
集走力索稿于先生先生惠予數十幅悉屬平反大
案予曰此活人書也不可不令孤行于世粹成是集
顏曰求生以二字係先生得力處故爲揭出以志苦
心至先生宦浙十年起死人而肉白骨者殆以千紀
此等讞語多至汗牛刷之將不勝刷是區區數十幅

者不過全豹一斑。鳥足以當什一之數哉。

朱梅溪先生小像題咏序

崇禎末年作

士之獲交于王公殆有天焉。李生于梅溪先生是也。先生爲帝室苗裔。生于楚。仕于豫章。與婺州風馬牛。使先生以顯宦臨吾地。冠蓋森肅。李生有望塵而走耳。幸其來也。以謫。李生以襪線短才。炫弄于先生之前。先生遂謬賞焉。然李生之重先生也。不以官故。以才故。先生之憐李生也。不以才故。以落拓故。兩人忘形之交。自今日始。今日何日。癸未之陽九也。陽九爲

字通于書
發生乎情

數之奇。先生數奇於仕。李生數奇于儒。兩奇相遇而
適值斯節。詎非天平是日也。先生復出小像示予。像
出曾波臣手。意思間適有天隨古處之致。而一種豪
宕之氣。躍動薄蹠間。昔宗少文。孫茂深。兩人名籍甚。
時人欲與之遊。不得。乃命陸探微繪像挂之壁間。然
則得遇先生于尺幅者。已幸。況于笑言吟和相忘于
布衣進賢之外哉。故曰天也。

杜子皇曰。以天字爲起結。以奇字爲間架。措辭命
意。古朴縱橫。置之昌黎集中。世亦應莫能辨。

名詞選勝序

毛種黃評

論文運之

盛衰真具

千百年眼

筆趣胎宕

如泛春潮

徐字台評

歷數運字

實胚胎于

昌黎亦千

古確論

全宋文集卷之一

三

藏板

文章者心之花也。邇其根莖則始于天地。天地英華之氣無時不洩。洩于物者則為山川草木。洩于人者則為詩賦詞章。故曰文章者心之花也。花之種類不一。而其盛也亦各以時。時即運也。桃李之運在春。芙蓉之運在夏。梅菊之運在秋冬。文之為運也亦然。經莫盛于上古。是上古為六經之運。史莫盛于漢。是漢為史之運。詩莫盛于唐。是唐為詩之運。曲莫盛于元。是元為曲之運。運行至斯而斯文遂盛。為君相者特起而乘之。有若或使之者在。非能強不當盛者而使。

之盛也。不知者曰：唐以詩掄才，而詩工；宋以文衡士，而文勝。元以曲制舉，而曲精。夫元實未嘗以曲制舉，是皆妄言妄聽者耳。夫果如是，則三代以上未聞以作經舉士。兩漢之朝，不見以編史制科。胡亦油然而勃然，自爲興起而莫之禁也？文運之氣，數驗于此矣。予爲是論，蓋以言乎今日之詞云。自有詞之體制以來，未有盛于今日者。雖曰詞始于唐，而盛于宋，然唐宋之工此者，自屯田眉山淮海清照稼軒而外，指不數屈。繼起而建標立極者，雖不乏人，然考其姓名，總不

觀梁汾評

世人借此

一字文其

淺率今道

破矣

全宋文卷之一

藏板

越花間草堂尊前蘭畹之四集較之歷代詩人之數
不及百一此何故哉蓋以詞名詩餘似必詩有餘力
而後爲之夫旣詩矣焉得復有餘力哉不意傳至于
今嘯歌之外靡事可爲才彥精靈悉無所寄即使未
有填詞一道猶將創而爲之若屈原之于騷相如之
于賦東籬實甫諸人之于雜劇皆前此未有而自我
作之矧成法具在作者寥寥有不起而修廢舉墜揚
徽振響以鼓一代之休明者哉雖然此非有科名誘
之于前夏楚督之于後莫知其然而盡然非運爲之

誰爲之乎。執此證吾言謬乎。非謬乎。十年以來。名獨
山積。繕本川流。坊賈之捷于居奇者。欲以陶朱猗頓
之合謀舉而屬諸湖上翁一人之手。噫。謬矣哉。文之
盛衰。猶視乎運。豈書之傳否。我得自爲政乎。况當世
名賢之司月旦者。莫不秉運而起。選有定本。懸之國
門。予高才捷足。一無可恃。鹿死于前。而猶馳逐于後。
不爲先入關者笑乎。坊人固請不已。爰有是刻。名曰
選勝。蓋以諸選皆勝。而我拔其尤。是猶勝人之勝。非
敢勝人之不勝也。

詩韻序

孫字台評

予最愛此

等文字爲

其有濠上

風時

笠翁詩韻者。非取古人已定之四聲。稍稍更易之。而
攘爲已有。蓋云一人自用之書。非天下公行之物也。
旣爲一人自用之書。則手錄一通。括之囊中。可矣。安
用災梨禍棗。聽其馳逐天下。爲曰私之一人者。初心
而公諸天下。則人實使之。若水之旣決。火之驟然而
有。莫可如何之勢也。予初辨四聲時。髮尚未燥。取古
今不易。天下共由之詩韻。逐字相衡。而辨其同異。覺
有未盡。翕然于口。有心竊疑之。而未敢致詢于人。知

天下古今之不謬而予一人疑之之謬也及取毛詩
屈騷以及秦漢以前諧聲協律諸文詞句櫛字比而
驗之始知非盡我一人疑之之謬而普天之下之人
之口皆讀字從今不從古之謬也雖然以古韻讀古
詩稍有不協卽叶而就之者以其詩之旣成不能起
古人而請易不得不求肖古人之吻以讀之非得已
也使古人至今而在則其爲聲也亦必同于今人之
口吾知所爲之詩必盡如關關雎鳩在河之洲窈窕
淑女君子好逑數韻合一之詩必不復作緜兮綌兮

顧梁汾評

使錢牧翁

見之定取

以評李滄

演樂府

笠翁文集卷之一

三

藏板

嗟其以風我思古人實獲我心之詩使人叶風爲乎
金反之音以就心矣必不復作鶉之奔奔鵲之疆疆
人之無良我以爲兄之詩使人叶兄爲虛王反之音
以就疆矣我旣生于今時而爲今人何不學爲關雎
說耳之詩而必欲強效綠衣鶉奔之爲韻以聳天下
之牙而并逆其耳乎執此爲見笠翁詩韻一書遂胎
其核焉又慮獲罪于古人貽譏于見者取古韻之字
而經緯顛末之但有分別絕無去取又取詩韻中一
切便宜可行之事應有而未之見者一創百創悉載

其中題曰笠翁詩韻。所謂我行我法。不必求肖于人。而亦不求他人之肖我。卽如詩文諸稿。之不以集名。而標其目曰一家言。此物此志也。坊人固請行世者。匪朝伊夕。予莫之許。非慮獲罪于古。惟恐見詫于今耳。詎意癸丑夏。予入都門。兒輩不肖。爲坊人所餌。可否勿詢。取而昇之。及予倦遊而返。版已垂成。莫能追毀。然旣經問世。不得不剖析其由。序之不已。而復有例言。皆迫于莫可如何。而求天下之亮我也。至笠翁詩韻四字。卽謂仍其名。以獨書已過。不使古今人分。

金華集卷之一
謗可也

觀音大士持驗錄序

佛中之有觀世音。猶神中之有關夫子。皆百千萬億
其身。散滿于天地之間。而與斯民習處者也。胡以知
之。知之于鄉。設里舉之情。家戶戶祝之口。試問普天
之下。自京師以及州郡。等而下之。卽十室之邑。三家
之村。有不設關夫子廟。與觀世音菩薩之菴堂寺院
者乎。曰無有。有一庶民之家。不肖其像而供奉于中
堂者乎。曰無有。然則同一神與佛也。何所見而分別

其間獨疎衆而密此尊之如父親之如母朝夕事奉
若定省其親之不輟乎曰此無他以其能憫人疾苦
救人危難又不自以爲煩而人所求輒驗耳夫神靈
佛法之驗與弗驗不必求諸事跡但觀人情嚮往與
否古云醫門多疾多疾之門卽良醫所居之地也一
劑弗效人皆避之尚肯叢集其門乎以林林總總之
病夫叢集一人之門則其無藥弗效可知已同一神
與佛也而關夫子及觀音大士獨爲人所嚮往若此
非有所驗而然乎有現宰官身說法者集古往今來

觀音應驗之事跡。剗剗告世而索序于予。予謂徵之
以往。不若徵之現在。考其事功。不若考其所處之境。
界俗情喜附熱。熱則爭趨。大士非古佛。乃一當今得
氣之時人也。持誦其呪。有如遵時王之制。讀新貴之
文。朝用力而暮收功。不蔡可知。已至與關夫子同日
而語者。以人無徵不信。止徵一節。而不及其他。猶曰
偶然。而莫終之信也。故與比衡。有詰予者曰。果如子
言。神莫驗于關夫子。佛莫驗于觀世音。然則舍此而
外。皆弗驗乎。予曰。不然。神佛雖衆。各有任事之一人。

如宰相之柄國。大將之治軍。將相功高而利歸于國。須將相者。非須將相。須國家信用之得其人也。大士靈而佛法盛。關聖驗而神道尊。皆不特有功于世。而且有益于天地神明者也。謹述管見而爲之序。

今又圖詩集序

丁巳春予自白門移家家湖上。碧波千頃環映几席。兩峰六橋不必啓戶始見。日在卧榻之前。伺予動定。因題一聯于齋壁云。繁冗驅人舊業盡。拋塵市裏湖山招我全家移。入畫圖中。又歎家慈在日泛湖而樂。

指岸上居民曰。此輩何修而獲家于此。今全家入畫
而吾母不與。正切風木之悲。適天台葉先生以子
告養親。偶來湖上。投我以今又園詩刻。卒業而歎曰。
嗟乎。先生有母。翳我獨無。且人皆有母而無母。先生
獨能始終以有其母。何其幸歟。夫人宦遊四方。咸歎
不遑將母。卽或偶歸。歸而復出。至辜倚閭之望者。往
往而是。先生令潛滿考。擢刺彬陽。皆得迎養其母。無
何而請假歸台。尋去台。徙鏡湖之上。又獲依依膝下。
以視予全家入畫而獨少一人者。其幸不幸何似。然

先生則更有不可及者。自去彬之明年。卽聞滇黔之警。凡仕于湖南而不得歸者幾何人。夫台之旬日間。叛復作。依草附木者。揭竿而起。凡家室之免于塗毒者。又幾何族也。而先生皆得脫然于顛危之外。以常有其母。是豈人可易及者歟。如其戀戀一官。則此時此日。不知身在何許。家在何許。其視全家入畫而獨少一人者。又有幸不幸之分矣。尚能驕我以天倫之樂。而朝暮肆力于詩乎。夫以始終奉母一節。已當附于王陽孝子之列。可傳于後。而況其詩之清真高邁。

掩映今古。又自有其可傳者歟。因不移晷而爲之序。蓋借先生之幸。序予之不幸耳。

覆瓿草序

覆瓿草維何。家仲石菴之詩文也。詩文而以覆瓿名。雖曰作者之謙詞。以予視之。似奮天下人之見書弗讀。輒以覆瓿若秦一世之盡付祝融。絕無去取之可恨耳。書之可使覆瓿者衆矣。予謂未讀其書。先視其人。其人碌碌無所短長。則其書可以讀。可以弗讀。然而不以人廢言。夫子又嘗言之。至其人爲君子。則君

子之言矣。聽君子之言而褒如克耳可乎。予求石菴
君子人也。事親孝。事兄悌。其爲吏也廉。其爲友也信。
至居家庭待妻若子。雍雍穆穆。又無俟言矣。其宰建
德宏猷不著。惜以細故謫官。予作一聯贈之。曰。才奇
而肝膽俱奇。慣以熱腸加冷士。官左而襟懷未左。偏
于忙處理閒情。識者謂此一聯可作石菴一幅小像。
其人如此。其言可知。大率清真超逸。自抒情靈。不屑
依傍門戶。但恨其少耳。然石菴之詩文。勇于作而懈
于收。往往散漫于鄴架之外。臧獲輩不知悉以委去。

是他人不以覆瓿而自甘覆瓿故病其少若是則覆瓿二字卽謂石菴自道其實也亦可

琴樓合稿序

才非天下之善物也竊怪古今人多昧此有者矜之無者嫉之稍有而非絕無者苟遇其人又欣欣然願慕之是皆未考才人之遇及所享之年嘉其一得而忘其衆失故逐逐于此而烏知其非善物也哉蓋才者非他窮人妖人之具也男子而才求爲富貴利達也難矣婦人而才求爲得良配居正室免于推殘困

厄得遂其中懷也難矣如其偶得則不數年而妖大
率妖者其常卽偶得亦其變也被罪幾因厄不獲遂
其所懷來者亦烏能損彼益此究竟則歸于盡而已
子故曰才非善物爲天下古今之矜者慕者如而欲
殺者下一轉語使知天之予此于人也愛憎相半而
人之受此于天也利害適均嫉之者無煩欲殺造物
自能殺之爲千古詞場靖戈矛而弭怨謗未必不階
于此論昔之才而窮窮而且歿者代不乏人予爲舍
古援今則觀胡子文漪之細君槎雲及槎雲之尊人

步青益知予言之非謬。步青余友也。其才若怒流之澎湃。怪石之嶽崎。又能降作古之才。攻制舉藝。以取一第。縻百祿。何有哉。乃纔舉于鄉。而齎志以沒。其爲壽幾何。僅強仕之年而已。此男子有才之徵也。槎雲之在謝庭。素工咏絮。爲諸昆季所誇許。及歸文漪。才相準。而貌相猶。以名士之女。復得韻士以爲夫。且居正室。少媵姒。已不爲人嫉。而又無可嫉之人。是爲婦人而百祿是適者。莫槎雲若矣。迺結褵甫七載。而遽作修文女士。從尊人于白玉樓中。使其才稍劣。貌稍

姬琴瑟之遇稍乖。則造物之相奪。恐未必若是之遽也。由是觀之。才豈善物也哉。文漪不能久並其身而思永偕以集。因哀是書以傳。珠聯璧合。洵雅事哉。子情士也。向者連喪二姬。前後作斷腸詩三十首。怒造化之不仁。嗟好物之易壞。而特爲此不平之鳴。然才之可貴。自若也。惟其可貴。是以可嫉。造物且忌之。況于人乎。此平情之本論也。前言過激。等復悔之。

制師尚書李鄴閑先生靖逆凱歌序

八閩之叛。始于滇黔。是人而知之矣。撫閩之功。由于

奉

命督師之

康親王亦是人而知之矣。但閩藩初叛。

王師未出之先。三衢扼兩浙之咽喉。兩浙又爲沿江諸省會之門戶。三衢失守。則兩浙成墟。兩浙成墟。則姑蘇建康之安危。非我輩愚民之所敢知者矣。矧浙東數郡之奸民。依草附木而爲不逞者。每寨動以萬計。是時江浙二省。數百萬生靈。惟于先生一人是賴。使先生于聞警之日。稍遲片刻之行。則三衢八婺。非

我有矣。然先生文臣也。始行之日。人盡憂之。謂韜鈴
非所素習。帷幄並無一人。輕敵固足招尤。徒忠亦難
濟事。不加熟籌而奮然以往。無乃得之和平乎。乃先
生則大不然。固文臣而深于武。忠臣而熟于謀者也。
一至西安。卽披堅執銳。爲士卒先。十戰皆捷。未敢
遽信爲實也。謂不過張虛聲以威賊。且堅麾下禦侮
之心耳。誓師爭先臨敵。不能不後矣。乃先生則又不
然。賊恃火攻。砲聲綿晝夜不絕。守疆諸將士從無敢
近賊營十舍者。先生以單騎適之。砲中副車數四而

不及身忠誠之所格也。自是而將士幡然改目。虛聲
爲實事矣。文臣且然。矧武士乎。制文武者且然。矧爲
所制者乎。原以滅賊之心者。旣樂爲不令之行。素無
捐軀之勇者。亦攝于不怒之威。靖逆奇功。實基于此。
所轄將士。無不躬冒石矢。以一當百。大小數十戰。斬
賊首以萬紀。賊自是掘壕自守。無東向之心矣。先生
原欲渡河長驅直入閭界。因聞

聖天子赫怒臨軒。親誓禁旅而受

命專征者。又出多智善謀之

康親王知一出而燎原可滅。賊首不足竿矣。遂勵兵秣馬以待及。

王師至而賊胆愈寒。始則窺浙未能而固守。繼則圖守不得而請降。雨浙蒼生之得有今日者。上則

聖天子之威靈中則

康親王之謀畧等而下之。則鄴園先生之忠而且毅。諒亦史筆之所樂書。而天下口碑之所不能泯滅者也。杭城父老子弟聞八閩底定。謂先生指日班師。凱歌雖奏于軍中。而原其所自。則出黔黎謳頌之口。以

予操觚一生稍嫻聲律而今且老矣黃童騎竹白叟
編蒲俟節旄旋省之日萬口同聲而唱于道路之間
亦燕賀昇平之樂事也予不敢謝不敏因序而歌之
古云君明則臣良雖曰美大臣之功實爲

聖

天子頌知人之哲耳古之能守者二人皆由君上之

能任蕭何之于關中寇恂之于河內是也今之能守
者亦有二臣李鄴園先生之于浙蔡仁庵先生之于
楚非古今四大金湯而千百年後配享無辭之名豈
乎雖野史不足流芬亦董狐藥籠中物也

送別駕許公漢昭擢郡司馬序

康熙戊午之三月。杭別駕許公漢昭。擢漢陽司馬。聞其地就近題補。有人將詣。

闕。改授。瀕行。杭之縉紳士庶。遮道請留。不得。乃躋公堂。執兕觥而涕泣。致餞。餞畢。散去。有二三父老。操口碑。自始之。權者坐長林豐草間。私相謂曰。一官有一官之品行。要必定于秩滿。既遷之日。蓋一日未去。其改行變節與否。尚未可知也。今許公秩滿而遷矣。品行已著。請就行事而定公評。殆何如人乎。一人曰。公

具盤根錯節之才。排難解紛之力。臨政有先幾。入手
無難事。蓋能臣也。一人曰。公天水藥之操。却苞苴之
獻。束裝就道。行李蕭然。蓋廉吏也。一人曰。公視民如
傷。字之若子。政務從寬。多勸少懲。蓋仁人也。一人曰。
公倜儻好義。賓至如歸。雖宦况如水。而絲竹之聲未
嘗去耳。蓋豪士也。如是者紛紛不一。李子從旁竊聽。
皆是之。而不能不贊一詞。乃側身入座曰。諸君之言。
當則當矣。然猶有未盡者在。以予觀之。乃守分安命
之達者。父老曰。胡以見之。李子曰。公之蒞浙也。凡十

有二年其間勞績顯庸難更僕數苟能自陳功伐求
註上考于各臺則一遷再遷奚俟今日他且勿論卽
以軍功紀之自粵閩有事以來數百萬軍精之轉輸
以軍功一人之手以此云功功莫大矣公匪但不白
滿假卽各臺齒及亦止曰分所當然介子推不言祿
而祿亦弗及此公之不得異擢必待秩滿而遷遷亦
止於郡司馬夫此一官者乃其分內應有之物非智
取力圖而後得之者也非守分安命之達者能若是
乎予謂當今之世求才人易求達者難才不足爲力

不能爲而守分安命者愚也。非達也。以公之才而稍加之力。何高爵厚祿之不可得。而乃得一分內應有之物。于一十二年之後乎。且予所謂力者。非當今仕宦之難事。方今兵革未偃。需餉方殷。

朝廷廣開事例。在位諸臣。以捐俸助軍。拾級而上者。不知凡幾。是謂力也。公非不能爲。不欲爲也。非不欲爲。知分不可越。人不可以與命爭也。如其命合大貴焉。知此番詣。

闕當路諸公。不體輿情。入告而膺不次之擢乎。跡是

而觀公之品行爲何如也。諸父老然予言。羣然呼之曰達者。予退而筆其事。卽以代渭城朝雨之詩云。

香草亭傳奇序

歲丁巳。自春徂冬。湖上翁善病不起。刀圭罔效。入冥疆而復出者三。因索驗方于古人。取枚乘七發暨陳琳愈頭風檄。輾轉讀之。疾且愈甚。古語真欺人哉。迨戊午春。朱子修齡持鏡曲化農雙鯉。并所撰香草亭填詞索予言。弁首以問世。予病中得故人書甚喜。然操觚染翰。豈病者事乎。剖緘讀之。則非書非詞。乃方

與藥也。合本草一大部。煅煉成書。欲起死人而活之。先活草木金石之腐且朽者。如劉寄奴桑寄生之屬。盡使着優孟衣冠。歌舞笑啼于紙上。以活藥藥死人。未有不霍然起者。讀未竟而病退十舍。因歎鏡曲化農爲異人。豈知湖上翁有填詞癖。故特以酒解醒。抑無意爲之。而我適逢其會耶。若是則折股知醫。操觚染翰。誠予病者事也。從來遊戲神通。盡出文人之手。或寄情草木。或託興昆虫。無口而使之言。無知識情慾而使之悲歡離合。總以極文情之變。而使我胸中

磊塊壓出殆盡而後已然卜其可傳于否則在三事
曰情曰文曰有裨風教情事不奇不傳文詞不警拔
不傳情文俱備而不軌乎正道無益于勸懲使觀者
聽者啞然一笑而遂已者亦終不傳是詞幻無情爲
有情既出等常視聽之外又在人情物理之中奇莫
奇于此矣而詞華之美音節之諧與予昔著閒情偶
寄一書所論填詞意義鮮不合轍有非警拔二字足
以槩其長者三美俱擅詞家之能事畢矣香草亭二
出拜月牡丹二亭不憂鼎之缺一足矣序成而寄語

化農予病則賴子以瘳然病根尚未拔也病根由貧
子能再以鍾離一指善其後乎吾知鏡曲化農之術
不能仁乎此矣

和熙集序

才爲造物所吝不與姿貌祿位同其濫予夫人而知
之矣然合天下古今計之不特才士如林卽才媛亦
復輩出是知人有雌雄才無牝牡造物欲予卽予之
非巾幗所能辭鬚眉所能獨擅也夫旣若是則天下
古今之爲夫與婦者皆當並受于天而無巧拙不齊

之歎矣。何。以。才。其。夫。者。必。不。才。其。婦。才。其。婦。者。卽。或。
偶。才。其。夫。亦。復。散。多。聚。少。不。數。年。而。爾。摧。玉。折。不。則。
鳳。寡。鸞。孤。求。其。白。首。和。鳴。者。百。不。得。一。何。造。物。不。均。
若。是。哉。造。物。曰。此。正。所。以。均。之。也。物。之。多。而。賤。者。可。
以。普。施。天。之。雨。露。地。之。水。火。菽。粟。是。也。其。艱。而。少。者。
則。難。徧。及。家。授。一。人。戶。施。點。澤。猶。慮。不。足。焉。得。人。人。
而。濟。之。見。有。夜。光。之。珠。室。懸。數。顆。公。孤。之。爵。家。畀。二。
人。者。哉。不。肯。私。于。一。家。正。欲。公。諸。天。下。耳。此。男。婦。之。
巧。拙。數。所。不。能。齊。也。吾。獨。于。錢。子。照。五。馮。媛。又。令。之。

爲夫婦。竊有異焉。照五才于外。又令才于內。有味必和。無唱不隨。且以兩人之詩。合爲一帙。題曰和鳴集。而問序于予。不幾夜。光合照。公孤嫺榮。而與予所持之前說。大相背謬乎哉。曰。是又有說焉。照五又令之爲夫婦。德偶也。非僅才偶也。才者難並之。稱德者有鄰之物。德不孤之。魯論豈特爲朋友言之哉。老萊之妻。梁鴻之婦。皆德鄰也。武林同人之稱照五與名媛。聞秀之美。又令皆先其德而後其才。以才其緒餘耳。然則造物者。卽刻于千古。而欲孤其才。又安得不恕。

于一朝而忍孤其德乎此錢馮二人之可保無虞而和鳴一集之堪垂不朽也是爲序。

壽序

兩浙撫軍陳司貞先生壽序

劉糧憲屬草用

冢宰次辰黃公銜。公生于五月十三與關

夫子同日

毛鍾黃評

黃鐘大呂

之音奏之

嗚然能使

聽竊俱噫

篇中數領

大中丞建牙于外與宰相端揆于內其操國家樞軸均也。令下而山嶽動政行而世俗移致君澤民之得自行其志使吾肘不掣于他人者莫爾臣若矣。然使

尤古橋如
光泰人語

孫守台評

八第見其

傾河倒峽

不知其紀

得其整茹

如屋不識

用兵

寰宇承平相天下者居重馭輕。事事扼其要領。開府
于外者。威令雖嚴。終不得嬖尊于內。一當烽騰燧舉。
疆場有事之秋。廟堂隔于千里。懸揣無由。機務決于
一時。瞻顧不得。雖有堯舜湯武之君。伊周房杜之相。
不得不以外事付之外臣。聽其操縱。予奪則此際之
大中丞。其任其權。較平時之宰相。為尤重。得其人則
危者安。難者易。變苦境為樂郊。使凡民之鳥獸散者。
復若蜂屯蟻集而來聚。斯何人哉。若吾浙新奉簡
命。撫綏此邦之陳公是已。公非遽撫吾浙者也。朝

廷重視此任而求肯驟予先試之以岳牧其屏藩之
力保障之猷難更僕數是時滇黔倡逆閩叛效尤東
南諸省會。在。在。戒。嚴。而。吾。浙。尚。爲。無。事。之。地。然。無。奈。
池。魚。林。木。之。受。殃。無。事。之。甚。于。有。事。也。戎。馬。于。是。乎。
經。芻。糧。于。是。乎。出。舟。車。之。假。力。役。之。征。無。不。于。是。乎。
取。給。當。斯。時。也。卽。以。數。十。年。前。家。給。人。足。之。兩。浙。猶。
難。勝。此。重。困。矧。在。三。空。四。置。民。脂。告。竭。之。際。乎。公。未。
入。浙。之。先。在。位。諸。下。僚。有。束。手。攢。眉。免。寇。求。去。而。不。
得。者。自。公。至。止。政。無。大。小。事。無。難。易。勿。論。是。藩。務。非。

藩務。一切引爲已任。凡有告者。卽曰有我在。無憂也。
于是弗緩弗遽。或行或止。勞其心而不必盡。勞其身。
有時忘寢廢餽。而人莫知其苦。翻若有悠然自得之。
容者。總歸于政行事舉。軍飽民安。萬無一失而止。維。
時親王暨諸大臣。提禁旅而出者。皆駐師于浙耳。而。
目之無不敏其才而懋其功。遂交章疊詞以上之。先。
是輦下諸大僚。得之道路之口者。靡不入告。以寬。
聖天子南顧之憂。至是內外同聲。遂不覺大霽。
天顏而謂臣下曰。是誠可以撫浙者矣。是誠可以撫。

浙而使反側未安之子聞所聞而來不但撫浙而兼
可撫浙之外矣其亟以斯任畀之凡公撫浙之由而
吾浙人民得其所天之所自也公薨而序未嘗稍
設藩籬畫政自守先蓄全力以圖治躬在大任既歸
之後乎向所欲行而未行者今悉行之而身雖行之
而未暢若草木始萌待雨露于天而後華且實者今
則自爲雨露而無所俟于天矣由困極而小康由小
康而大治公其始終造浙者哉有以神明頌公者曰
明生于公無幽弗燭自公居高始無冤獄有以豈弟

頌公者曰尊而忘尊以撫爲字乳而育之視民若親
有以果斷頌公者曰利器居先霹靂在手盤根錯節
于公何有有以縝密頌公者曰智深勇沉心細于髮
其外可師其中難法如是者不一辭皆載道之碑未
鐫之石而先銘之口者乙卯天中後八日值公覽揆
之辰予自請告家居與諸父老扶杖而觀盛治者最
歡且洽正擬前致一詞效華封人之祝適三事大夫
之欲觴公者徵言于予予遂不辭謏劣而述其梗槩
若此是日也躋彼公堂酌彼兕觥者雖不乏人然皆

顧梁汾評

文如筌翁
能以造化
之巧當遇
合之奇此
其幾者

佩玉鳴鸞之有爵者。不則輔世長民之有德者。不則
黃耆台背之有年者。其餘黃童赤子。耕農織婦齒幼
分卑。不得與達尊之列者。皆具斗酒豚肩詣漢壽亭
侯之廟而致祝焉。以公與漢壽亭侯。雖已生有千載
上下同庚之義。漢壽亭侯之爲神。扶正抑邪。不遺餘
力。鑒公若此。未有不崗陵其筭而松栢其身者。故以
祝彼者。祝此。噫。跡公所生之辰。先與凡民異矣。安得
不撐天拄地而爲當代偉人者哉。

代壽鳳閣權使譚慎伯序

時公按部在途

七
辭黃評

疏暢中復

有典重嚴

整之樂此

南冥弁山

得意筆也

孫字台評

開局甚展

後面敘事

亦備嚴有

法

祝士大夫之壽。與祝林居家食者異。祝奉使按部諸
士大夫之壽。又與祝居所不遷。坐受百僚之燕賀者
異。何也。林居家食之人。以清靜為福者也。故祝其有
年。必先祝其無事。祝士大夫者。反此。祝其多壽。必先
祝其有為。有為而後。可以致君。可以澤民。致君澤民
而福仍歸已。可致遐年。故祝壽。必先祝其所以致此
者。若夫居所不遷之士大夫。雖曰有為。猶是勞其心
而逸其身。未必櫛霜沐露。東西其轍。每及覽揆之辰。
端居堂廡。百執事羅拜于下。進萬年之觴。奏九成之

舞衍然樂也。其爲頌禱之詞。可以有。可以弗有。爲其
安也。安自致福。祝之何爲。至于奉使按部之士大夫。
非迫于王事之靡盬。卽凜于簡書之可畏。且課
程無餘日。奏績有定期。常有稱觴之日。馳驅道路。不
及受斯民羔酒之獻者。凡與同事一方之大吏。及文
武屬僚。及縉紳父老。當斯時也。旣不獲躋彼公堂。效
華封人之面祝。惟有以口代兕觥。遙相稱獻。祝其所
至。承禱身在崗陵。則與崗陵比峻。身臨川阜。則與川
阜競長而已矣。故凡頌禱之詞。之不容已者。惟奉使

按部之士大夫。又必于其稱觴之日。馳驅道路。不及受斯民羔酒之獻者。若我慎翁譚公。今日之初度。可謂適當其會矣。公曩以治新蔡奏最。擢西臺主政。平反冤獄甚多。茲奉新簡。來視鳳權。他權惟課商稅。錢穀非其所掌。此則總理倉儲。軍民盡轄。公有兼人之才。適仔兼人之任。人地相宜。莫宜于此。迺下車未幾。卽脂白門。皖上之車勤王事也。時去公誕日。不滿二旬。有卧公轅下。請緩其期。以俟觴畢而後去者。公莫之許。謂不見夏禹之治水乎。三過門而不入。歲

時伏臘且不有。何有于生辰。迨公行後。諸縉紳士民。謂公雖出而祝頌之期自在。不妨遙瞻紫氣。先致願禱之私。再俟旌節既臨。補申三祝。未爲晚也。因走使乞言于予。以予叨附年誼。公牧新蔡時。既與予治接壤。今予家食。又與化境相鄰。取其近而易致。亦復知而善詳也。公爲文安鼎族。先世疊有聞人。尊公九還先生。以名孝廉分符爲浦江邑宰。遂以治行世其家。昭代取士之文。莫盛于壬辰一闈。而公以是年舉進士。名較同榜諸人尤噪焉。及仕中州。才寬于地。遊刃

之下。恢乎有餘。凡其所爲諸善政。一秉于尊公之治。浦陽者。而清白之風。尤足繼之。及內擢立朝。復錚錚有聲。秩經兩遷。而不離其地。秋曹治績。無有出公右者。今出理是權。適當軍興。旁午戎馬。需糧司農。望賦俱甚。渴公才非此不展。試觀蒞事之初。條理井井。旣不困軍。又不病民。而國賦芻糧自足。由此飛輓軍前。捆軸內帑。紓我

皇上南顧之憂者。舍公其誰屬哉。一日九遷。跂足可待。非尋常卿貳之位。所能限其功名者也。請以區區

祝嘏之詞懸爲左券

壽張俊升臬憲序

代

有訪延年之術于佛老二氏者。老氏之徒曰：清淨無爲，壽之本也。佛氏之徒曰：慈悲好善，壽之源也。二說互異，其人取決于儒者。儒者曰：皆是也。不問孔子之言乎？知者動，仁者靜。知者樂，仁者壽。清淨無爲，非靜而何？慈悲好善，非仁而何？殊途同歸，三教寧有異致哉？若是則仁者壽，一語已盡千古養生之秘。愚者不察，動舍中庸而趨隱怪，于是導引丹汞之說，克塞凡

民之耳矣。烏知仁者獲壽。理所必然。但人生于世而求爲仁者。亦難矣哉。至爲人而作仕宦。作仕宦而復爲刑名訟獄之專司。于此而求爲仁者。其難較之常人。奚啻百倍。當此之世。求一處極難之地。而殫力行仁。人能知其必壽者。則莫若予同譜而秉憲吾鄉之俊升張公。真可預書左券。俟百年後取而驗之者矣。張氏爲關東望族。公之先世繫

本朝汗馬勲臣。公少而神穎。無書弗覽。覽輒成誦。卽不攻舉子業。亦可以世胄入官。而公弗屑也。與難弟

秀升同入鄉校。其膺鄉薦而又並舉。是士觀花上苑。
時聯騶並轡。又皆弱冠之年。都人士女。咸有一對。
神仙而猶不盡知其爲兄若弟也。不意隨驥尾分榮。
殊甚。公由縣令而主政。由主政而員外郎。由員外郎
而兩居諫垣。一乘驄馬。聲名赫赫于輦下。卽出而
建節淮揚。其整肅吏治。與臺省風裁無異。今來按浙。
扼一省政刑之要。其聲華矩度。又不訛可知。計公歷
官九任。凡二十有二年。異政美績。難更僕數。吾不具
論。旣言仁壽。則專舉慈祥。豈弟之一節。以爲仁壽之

微而已矣。其宰上杭民頑梗而易犯法。公寓誠于勸格。之以誠。未幾而頑者化矣。蒲鞭雖設。民以不辱爲榮。其仁于爲令者若此。迨入西曹。始至卽司督捕。督捕者。適人司命之官也。時國法初嚴。懼者罔赦。官偶失出。卽罰不旋踵。匿此之家。及比鄰十餘戶。均難免。池魚林木之殃。公一味行慈。罔恤利害。止罪適人。而寬治一切。入湯網而復出者。不知幾千萬人。其仁于爲郎者若此。及居青瑣。入烏臺。有弗言。言必期于有關生命。卽活一人而無補于千萬人者。猶弗活也。

糾彈酷吏而民遂其生。削除稅政而國延其祿。諫
行言聽膏澤下于民者。凡七年所。其仁于建。言者。若
此。至于淮揚饑饉。殍實溝渠。國賦難償。吏民交困。
非公以回天大力。請蠲告賑。以致

聖天子惻然垂憫。數番大賚。則兩郡蒼生。寧有子遺
也哉。此其仁于江之南北者也。公之未擢臬憲也。滇
黔倡逆。八閩效尤。兩浙愚民。不無揭竿而起。依草附
木以待之者。然逆案一起。羅織紛然。凡屬簪家。無不
藉口聞秉憲詣戎者。新至。皆圖洩忿于馬首之前。公

視獄詞凡有欺之以方者悉棄道旁治以不治隱然造福而民莫之覺也至理積案有犯重辟者爲之百計求生求之不得而繩以三尺猶引咎自歸曰弼教明刑原非二事教之未弼刑所由來此其仁于浙之東西者也凡此皆公今日之仁則皆公他日之壽也丙辰清和月之八日值公誕辰同事諸公以予昔附榜末知公最深先一月而走書京邸索予言爲壽予故不辭謏劣述其梗槩若此其化有訟爲無訟是老氏之清淨無爲也其使民無生而得生是佛氏之慈

悲。好。善。也。其。聲。色。不。動。而。能。使。危。者。安。亂。者。治。則。孔。子。所。謂。仁。者。靜。而。仁。者。壽。也。合。三。教。而。論。之。皆。無。所。逃。于。壽。域。之。中。矣。以。此。觴。公。或。不。同。于。祝。嘏。浮。詞。與。得。公。莞。然。一。笑。曰。是。可。謂。善。頌。善。禱。者。

壽吳興別駕余公序

代

治。天。下。之。具。有。二。政。與。刑。而。已。矣。此。見。諸。事。者。也。用。政。刑。之。具。亦。有。二。德。與。才。而。已。矣。此。本。諸。身。者。也。本。諸。身。者。既。足。而。後。隨。取。隨。得。施。于。政。刑。以。治。天。下。其。如。視。諸。掌。乎。吾。今。日。之。爲。是。論。非。襲。老。生。常。談。蹈。稱。

功。頌。德。之。故。智。以。觴。我。郡。司。農。余。公。祖。也。以。公。富。于。德。而。優。于。才。故。以。四。者。並。列。而。歸。重。于。才。使。人。知。居。官。蒞。物。者。非。才。不。能。用。其。德。耳。政。刑。之。重。輕。諸。經。及。魯。論。載。之。詳。矣。惟。是。德。與。才。之。相。需。爲。用。言。者。雖。多。而。未。殫。其。蘊。吾。請。爲。天。下。暢。言。之。夫。人。德。之。未。修。其。才。不。足。論。矣。德。至。而。才。不。及。焉。猶。菽。粟。備。而。艱。于。水。火。布。帛。具。而。絀。于。縫。紉。其。寒。不。得。衣。饑。不。得。食。與。無。布。帛。菽。粟。等。耳。天。下。豈。少。有。德。之。人。哉。尾。生。孝。已。皆。其。倫。也。有。德。而。無。裨。于。人。究。亦。不。能。成。已。將。焉。用。之。

我朝自

太祖高皇帝

太宗文皇帝創業于初。

世祖章皇帝繼志述事而奄有四海。其間輔翼名臣。內如伊周房杜。外若韓范龔黃。其人者。姓字之繁。難更僕數。人謂皆天下之賢臣。而不知卽天下之才人也。古云。高陽氏有才子八人。高辛氏有才子八人。夫其所謂才者。豈若今時之操桑毫耕硯石。以浮詞麗句得名者哉。謂其有緯武經文之畧。與仁民澤物之功。

耳。

本朝諸臣之才。皆根于心而發于性。非由誦詩讀書。摹經效古而然。是卽

本朝之元愷也。迺今繼起諸君子。則又加進焉。家服詩書。人敦禮樂。以準今酌古之才。運其根心發性之才。事業文章。合而爲一。猗歟盛哉。唐虞之際。不是過矣。然猶有能知而不能言。善述而不善作者。獨有人焉。了然于衷而復暢然于口。能闡微洩秘而有功于既往。又能製銘作誥。以垂訓于將來。爲繼起羣賢之

冠者則莫如吾郡司農之壽巖余公者矣。公之太公以汗馬勲臣而別歷中外。後爲四岳名臣。其子若孫卽不事鉛槧。亦可以勲胄得官。而太公弗屑也。謂以馬上得天下。不能以馬上治之。君臣皆然而臣爲尤甚。其擇師之嚴。課子之篤。不避古人責善之忌。而性命以之。故公昆季四人。無一不淹通前古。次第入官。爲

聖天子敷文明之化。而公又白眉于其間。公賦性仁厚。爲公子時。西江父老卽歌麟趾之首章。至居官之仁。

怨慈祥。又不待言矣。吾苕素稱澤國。十年九潦。民苦流離。非一日矣。公所掌者。鹽賦二政。鹽則司商賈之命。賦則操出納轉運之權。奸民之病商賈者。動以私嗾控百無一實。公晰其情。多不受理。得一二有據者。坐以嚴法。不稍假。由是弊賴以絕。民賴以甦。至董各屬催科。則又寬嚴有法。秋成司納。舊苦胥吏作奸動有需于屬邑。邑取之民。公端本澄源。搜剔諸弊。殆盡。收納既易。則轉運無難。飛輓之捷。悉階于此。司漕及制撫藩臬諸臺。莫不嘉其能而懋其績。至于折獄之

明肩事之毅。行已之恭。事上之敬。處察察待屬吏之
真誠愷切。無一不合於前人。其任天下行不假思議。
則根心發性之才也。至于政行事舉之微。以其所爲
而方于至道。無不依軌合轍。則準今酌古之才也。非
誦讀之深。而神明于學術。能若是乎。矧公爵不自足。
仕優之學。正未艾也。是公之才。與公之官。吾皆不能
窮其所至。昔張柬之。姚元之。趙清獻。富文忠。諸公皆
以判郡起家。公以少年筮仕。卽蜚英聲焉。知不繼前
人芳軌。丁巳季冬之某日。值公覽揆之辰。予方治裝。

詣

闕不獲與于稱觴之列。正擬先期致詞。效華封人之
祝。適公所轄之一州六邑。爲大夫者七人。合詞連牘。
而徵言于予。是得我心之同然。諸大夫借予言以觴
公子。又借諸大夫之觴以進予言。是誠兩善之策也。
故倚馬捉筆而述其景慕公者若此。

祝陳大中丞太夫人壽序

竊聞曾子之言曰。孝體有三大。孝尊親。其次弗辱。其
次能養。孟子之言曰。爲天子父尊之至也。以天下養。

養之至也。由斯以談。則尊親養親之事。非至富極貴之人。不能暢其報本之懷。而使爲之父母者。立于無欲弗遂之地。彼菽水承歡。負米盡養者。雖曰貧富難齊。各盡其職。然而清夜捫心。其于爲子之所生。則終不能無忝耳。以子觀之。天子諸侯。無論矣。就常人而論。人子之于父母。不能以命服章其身。鼎烹實其腹。極天下快耳悅目之事。娛其心。十二時中。即使強半爲歡。而須臾愁嘆。其爲子也。呼之爲順。則可矣。名之爲孝。且甚其辭。而爲至孝。吾終莫之敢許。一事或缺。

至云乎哉。求其無事不備而足當至孝之名者。其唯奉

命撫浙之大中丞陳公乎。公事太母李老夫人。承歡繼志。解慍滌煩。竭盡已力。無片刻不快其心。無一事不滿其志。萊子以斑斕博笑。親心悅矣。公以朝廷所錫之華袞。爲斑斕其爲悅也。不更甚乎。潘岳以板輿承歡。親身榮矣。公以大中丞躬御之八座。爲板輿其爲榮也。不有加乎。曾子養曾皙。必有酒肉。將徹。必請所與。如是。即可謂養志矣。公之酒肉爲何如。

之酒肉太夫人所與之人爲何如之人其豐約貴賤
吾不知相去幾何懸揣其情必有什伯于曾子者矣
以此而名爲至孝尚有遺議乎哉戊午上元日爲太
夫人設帨之辰公之屬僚及數千里內外之公卿士
庶莫不奉羔荷酒詣公堂而致祝于公且賤貧則不
能爲禮賤則不敢爲禮然恩昔日之華封人亦非有
財而有位者也三多之頌未嘗不入神堯之耳以言
致祝庸何傷乎因走札四方徵名流詩詞書畫計三
十有六幅合成一圖而名爲八卦獻于公而轉獻太

夫人以益弄雛之歡笑是日何日張燈踏歌之元夕也。元夕爲一歲令節之首太夫人適于是日誕生奇矣。公之生辰又在五月之十三日與漢忠臣關夫子同日而生不更奇乎。由是觀之知聖母哲人總與庸民有別生辰且然況其他乎。惟有以神仙日之聖賢事之而已矣。

何省齋曰壽文以孝養立論。脫去尋常窠臼。笠翁可謂善祝善禱矣。序中賢其子則其母愈見其賢。笠翁可謂味水知源矣。至太夫人得笠翁之文并垂不朽方之中承之孝養又覺易一世而千秋矣。

祭文

季太翁萬太夫人雙祭文

滄葦侍御闕山仁

山二使君

孝廉之太翁太母也

嗚呼人世浮漚。古今旦夕。吾人在電光石火中。誰能
無死。但問其人之可死與否耳。若我延令季太翁暨
太夫人今日之仙游。其真生有餘榮。死無遺憾者哉。
太翁占籍延令。其先世貽德累澤。雖更僕數。及太翁
應運而生。早歲掇科第。歷仕至天官。守二疏知足之
義。退居林下。猶在他人強仕之年也。厥後繼起多人。
愈戀東山。不肯復出。得令子侍御公。首振家聲。充滿

其志而光大其業。繼此而聯翩鵲起。翱翔雲路者。又不一其人。海內數家。世之盛者。遂首推延令。烏知其子若孫之彈冠而起。正未有艾耶。太翁自顧養天真外。惟以窺名園。聆仙樂爲事。寰中富貴之樂。世外逍遙之游。無一不擅其極。總以太夫人之優于治內。不煩夫子經營。雖家務紛紜。可以無爲而治也。猗歟休哉。乃今厭絕世氛。雙雙遐舉。拔家宅而唱隨天上。騎鸞鶴而笑傲雲中。顧勞人稅駕之年。遠客歸休之日也。世俗不明斯義。槩而名之曰死。因其家門甫盛。正

當行樂之時。遽爾遐升。若有遺憾焉者。試問人當生
死之關。所不能忘情于世者何事。不過家國兩端而
已。太翁太母視舉家食祿于朝。自以憂國憂民爲
念。使九州以內。尚有一隅未平。一政未舉。是其爲國
之心未死也。今則四海蕩平。康衢鼓腹。其于國事亦
何所掛礙于中。而不忍釋之以去乎。太翁爲貽謀之
主。太母爲內助之君。日以昌大厥後爲志。使子孫輩
尚有一官未顯。一人未立。是其爲家之心未死也。今
則簪笏盈牀。蘭桂森立。不能呼名而但能點額者。悉

李觀齋評

以慶賀體

作哀輓詞

妙絕千古

是當與前

人賀失火

文並傳

是繩武之良材。興宗之美裔。其于家事。又何所係戀。于中而不忍釋之。以去乎。可以去而不去。與不可以去而去。同一贅瘤。吾知哲人之心。必不以此易彼耳。卽今訃音一出。哀動中原。白馬素車。充塞道路。延令一城。竟爲衣冠叢集之藪。但見雷霆轟轟。見孫哭也。冠裳躋躋。弔客臨也。琮璜熠熠。明器設也。珍錯離離。俎豆陳也。人生得此。夫復何憾。太翁太母。駕仙馭而臨之。方抵掌歡笑之。不暇尚隔幽冥。而與兒孫對泣乎哉。予小子非敢臨喪不哀。故作矯情之論。恐諸令

子宦游四方。未及親視含殮。聞音奔赴。哀毀過情。致
生疾痛。以負蒼生之望。故倣達人遺世之意。創爲是
言。使歌薤露者。日誦于苦魂之側。與稍解大孝之憂
云爾。

祭福建靖難巡海道陳大來先生文

先生諱啓泰。奉天之蓋州人。福建巡海道也。甲寅
之變。靖藩脅之使叛。先生毅然拒之。妻妾子女共
二十四人。呼聚一堂。諭之曰。吾世受國恩。今以
死報我忠于國。而輩當忠于我。有不自死者。我卽

山固菴評

讀此等文

知笠翁良

史才也惜

其不遇

空齋文集卷之一

之四

藏板

死之言訖各授以綆復挺利刃以待其夫人復諭
諸妾及二女曰此時不決主人靖難後求死不能
矣我請先之言未畢而自投梁上諸妾及二女皆
迫于忠義不敢辭有一二因循者先膏利刃以示
勸是以二十四人之中止留二子爲宗祧計餘皆
纒首于一時先生命屬吏各治棺衾浮其一以自
待目擊衆屍含歛畢遂北面叩頭流血被面始飲
鴆而卒此三藩叛後靖難諸臣之第一人也漁受
先生特達之知聞凶耗于乙卯夏驚惶久之然不

敢設位而哭。慮此信之或訛耳。丙辰冬八閏大主
詢得實耗。始而悲。繼則悲喜相半。喜先生之得死
所。而且未嘗授首于人也。予家人欲俟靈輓經過
設奠未晚。予曰。士哭知己。等于君親。人能待淚不
能待也。矧閩越相距數千里而遙。遺子孱弱。知其
扶觀于何年。望空一祭。不可少也。適設鷄魚豚首
各一。蔬簋四。但不設位。以其生前贈物之尚存者。
奉一二以代主。爲文以哭之曰。

嗚呼先生底事堪驚。吾不料事叛事讐之濁世忽來。

語秋語評

妙在字字

通真不掩

其長亦不

謀其短是

兩漢以前

文章

一死忠死孝之芳聲漁之初聞是耗也既慮其果死
又慮其或生生則有補于知己死則無媿于朝廷
竊謂吉凶皆可虛實聽憑乃今果全其大節妻子尚
不恤何恤乎朋友故舊之細情公之爲人也儻好
義雅重嚶鳴不交則已交必心傾賤黃金于糞土失
巨萬而不爭公之爲官也不隨不詭獨斷獨行寧失
調于衆口不自變其居恒霹靂繞其身而不懼諂笑
媚其側而越憎是以同心者願爲公死而不惜銜怨
者擬食公肉而未能公之一生諷諧其口放浪其形

詞學分評
斯文有聲
自漢幾千
朝骨代類
大來以此
不朽翁之

人但許之以豪傑未必盡料其忠貞既有聲樂之嗜
卽多珠翠之縈人皆慮其死裙帶孰能諒其殺娉婷
訪頤生之藥于華董學延年之術于錢彭向盡疑其
求生之過篤今反訝其視死之太輕是公今日之死
也三出時人之意外盡完古節于生平不難于死節
而難于不死他人之手不難于一身獨斃而難于滿
屋屍橫乃今親戚故舊朋友弟兄一聞此耗毀譽交
并非怪居心之太忍卽訝毒手之能擎予獨嘉其忍
心而未嘗害理非此如狼之毒手烏能保完節于釵

報知已良厚

笠翁文集 卷之一

藏板

荆誠哉千古之俊傑允矣一代之忠誠吾乃草野之人未識

聖

天子之報之也奚賞奚賚何諡何旌幸留二子廕庇可承慰忠魂于旣絕瞑死目于尚瞠其在旅觀旋京之日乎漁也向承魚水之合曾爲車笠之盟未能殺身以酬國士之遇祇能殺青以播知己之名不俟撫棺以痛哭先爲得訃之哀鳴蘭節旣全于輸赤爾衷又白于汗青九原可慰享此杯醺嗚呼哀哉

余霽巖曰笠翁樹幟文壇三十餘載人但以風流

才子目之不讀此文。烏知其爲大賢人眞義士哉。
人許大來以豪傑。不能盡料其忠貞。亦猶是也。無
怪二公有水乳之合。

祭福建靖難總督范觀公先生文

先生諱承謨。奉天之瀋陽人。太傅現斗公之次子。
以壬辰科進士入詞林。累官至學士。出而撫浙。政
聲優異。尋擢閩督。蒞任不數月。卽有撤藩之舉。閩
藩一叛。文武大吏皆從之。先生孤掌難鳴。遂爲所
執。始則竟日怒罵。求爲顏杲卿之斷舌而死。旣不

先生有圖
壁自敘一

篇不下千
言。自述忠
惓其詳。爲
臣子者。不
可不讀。

可得繼則經旬不食求爲伯夷叔齊之枵腹而
又不可得蓋聞藩以其爲關東巨族太傅公爲定
鼎元勲先生之爲官也又鐵面冰心風裁赫赫爲
遐邇人心所屬是時中外當路者強半皆屬漢軍
故百計干謀必欲脅之使叛謂軍中有一范則得
其要領以招致關東諸大族四方諸大吏無難矣
而烏知其爲百折不回之文丞相也哉先生忍死
以待天兵之至者凡七百餘日廿六間茹荼履險瀕
死復生之情狀非髡數管不能盡且有聽其缺畧而

已迨

王師壓境石卵難支。閩藩請降而欲掩從前罪狀。勢必
滅此一人以去其口。先生之命遂於是乎終焉。於
戲傷哉。漁蒙太傅公及先生兩世下交。皆爲憐才
二字于其歿也。可無隻字報之乎。原欲俟靈輜北
返。假道并州。漁隨兩浙吏民之後。與如喪考妣者。
合致其哀。茲聞道路之口。謂入閩諸公徧覓其喪。
而不得。又謂閩有異人。武夷子者。慮忠臣被害。屍
骨難全。若唐高重捷。蒲首蒲身之往。事故窺人不

永修齡評
文奇事更
奇

見竊負而逃。間關數千里。送入其家者。漁惑於道。
聽塗說之口。無由得其實訊。惟有若報巡海道陳
公故事。設奠爲文望空一祭而已。是日並設二位。
一爲先生。一爲宋丞相文公。天祥蓋先生之臣節。
求之千古上下。惟天祥一人。足以媲美。其生死大
義。若合符節。譬之先生未死。駕過西陵。漁設一樽。
爲東道主。可少一道同志。合者作陪賓乎。先生有
靈。必不以增杯益箸爲不恭耳。其文曰。
嗚呼哀哉。臣子報君與土報知己。無所逃于天地之

後碧苑評

難字爲一

篇之主于
古傳文未

問其理一也。公以身陷逆氛，百折不回而死。既能報其君矣，豈公一生好士于其歿也，無一二抱道懷才之輩爲之殺青汗竹，報吐握之誠者哉？漁竊謂人臣之事君也，爲良臣易，爲忠臣難；爲遄死之忠臣易，爲忠臣而不得遄死，天若留之以有待，及至勢窮力竭，究竟無益于國，徒苦其身而後死者尤難。此忠臣所服之上刑，較龍逢比干而什伯其慘者也。古之罹此者，一人文文山先生是也。今得我公而兩殆，元方而季方者哉？然此二難也者，皆欲自爲其難，非造物故

有無把握
而成者

難之也。文山往事載在方策。爛如日星。不待言矣。公

藏板

爲元勳之胄。輔臣之子。卽不治舉子業。亦可以世胄
入官。曾有宰輔之子。而作凡民者哉。然公不肯爲也。
畢竟與白屋寒生同。其進取由諸生。而孝廉由孝廉。
而進士以致名魁兩榜。入爲館閣名臣。是其進身之
始。已先自爲其難矣。迨奉

命

撫浙。浙較他省。似乎易治。而公獨難之。不難于小康。
而難于久安長治。不難以刑罰示威。而使民歸于善。
不難以糾彈示法。而使吏戒其貪。難在明生于公。而

又語
之文作祭
文讀者相
去萬里

威生于廉然爲今日之官事事皆易而求其廉且明也實難果廉且明必至自去其官而後止以廉明之故而自去其官則天下仕紳皆視廉明作畏途是我不能造福于民而且貽之害矣廉明之不易若此公明知其難而爲之甚力故撫浙三年無不以一日爲百年之計咫尺作千里之圖未嘗輕殺一人而民之畏刑也不寒而慄未嘗多劾一官而吏之奉法也不肅而嚴奉使諸大臣入疆問俗皆謂浙民之易治若此而烏知極易之事由於極難有此一人任之于上

乎公之入閩也。閩事之壞已臻至極。無論其他。卽兵餉之缺。有欠至半年而未給者。庫帑缺額至百餘萬。協餉又苦不至。司三軍之命者。刻刻防庚癸之呼。不料復有撤藩之

命。然非常之變。蓄謀已久。卽兵餉不缺。亦難保無虞矣。當閩藩未叛之先。公知其必有是舉。若肯以防隣設備爲辭。預脫虎口。以觀變此易事也。而公不肯爲。謂異謀雖蓄而未形。我動則彼亦動。是首禍也。當其旣叛之後。料渠事必無成。不妨陽合而陰圖之。乃心

文訂
江河浩渺
之勢非此
一語焉能
砥柱狂瀾

王室者計嘗出此亦易事也而公不肯爲謂名節所
關者大失之易而漸進甚難且非臣子所忍爲也舍
易而就難公之一身遂爲萬古綱常所縛而自甘授
首于人矣是今日之死非天死之人死之公自死之
也白死云何死于一字之難也爲其極難而究竟無
補于國其爲患也似近乎愚然智可及而愚不可及
吾夫子嘗言之矣且文文山先生不得我心之同然
乎文山今日在天之靈豈不以得一快友爲幸乎故
漁此時設祭大破常格而拉之使陪公卽不鑒主人

之誠亦必以同座得人為慶也。嗚呼哀哉。

朱修齡曰：設祭而拉一陪賓，是千古創事。笠翁一

生作事行文，無一不創。此創更奇。然古人原有

饗之例，又非臆見所謂奇而法者，非歟？愚不可又

...

...

...

...

...

五

